

## **Аллоҳ бандасига танлаш ихтиёрини берган**



11:30 / 15.11.2018 4517

Энди Қуръони каримда инсон ихтиёри масаласи қай тарзда ҳал қилинганини кўриб ўтайлик. Мушриклар ўзларининг ёмон ишларининг сабаби Аллоҳнинг иродаси ва хоҳиши эканлигини баҳона қилганларида, Аллоҳ таоло уларга қаратса Қуръони каримда шундай деган:

ءَابَآءُنَا وَلَا آشَرَ كُنَّا مَا أَمَّا اللَّهُ شَاءَ لَوْ أَشَرَ كُوَا الَّذِينَ سَيَقُولُ

حَتَّىٰ قَبْلِهِمْ مِنَ الَّذِينَ كَذَّبَ كَذَّالِكَ شَيْءٌ مِنْ حَرَمَنَا وَلَا

إِنْ لَنَا فَتُخْرِجُوهُ عِلْمٌ مِنْ عِنْدِكُمْ هَلْ قُلْ بِأَسْنَادٍ أَقُوا

فَلَلَّهِ قُلْ ١٤٨ تَخْرُصُونَ إِلَّا أَنْتُمْ وَإِنَّ الظَّنَّ إِلَّا تَثْبِتُونَ

أَجَمِيعِنَ لَهَدَنِكُمْ شَاءَ فَلَوْ أَبْلَغَهُ الْحُجَّةُ ١٤٩

«Ҳали ширк келтирғанлар: «Агар Аллоҳ хоҳлаганида, биз ҳам, отабоболаримиз ҳам ширк келтирмас эдик ва бирор нарсаны ҳаром қилмас эдик», дерлар. Улардан олдингилари ҳам азобимизни татигунларига қадар шу каби ёлғонга чиқариб турғанлар. «Ҳузурингизда бизга чиқариб құрсатадиган бирон илм - ҳужжат борми? Гүмонаға әргашмоқдасиз ва сизлар алжиралмоқдасиз, холос»,

**деб айт. Сен: «Етук ҳужжат Аллоҳнинг Ўзидадир. Агар хоҳласа, ҳаммангизни ҳидоятга солар эди», деб айт» (Анъом сураси, 148-149-оятлар).**

Ушбу оятдан очик-ойдин кўриниб турибдики, агар Аллоҳ таоло барча одамларнинг бир йўлда бўлишини хоҳласа, уларни тўғри йўлга бошлаган бўлар эди. Лекин одамлар муайян йўлга юришга мажбур эмаслар. Аллоҳ таоло ўз хоҳиши билан тўғрини нотўғридан, ҳақни ноҳақдан ажратиб, одамларга тушунтириш учун пайғамбарлар юборди ва одамларга истаган йўлига юриш ихтиёрини берди.

Аллоҳ таоло шундай марҳамат қилади:

**فَلَيَكُفِرْ شَاءَ وَمَنْ فَلَيُؤْمِنْ شَاءَ فَمَنْ رَبَّكُمْ مِنَ الْحَقِّ وَقُلِ**

**«Сен: «Ҳақ Роббингиз томонидандир. Бас, ким хоҳласа, иймон келтирсин, ким хоҳласа, куфр келтирсин», дегин», дейилади (Каҳф сураси, 29-оят).**

Аллоҳнинг хоҳиши одамларни тўғри йўлга бошлаш ва ёмон йўлдан қайтариш учун пайғамбарлар юбориашда намоён бўлса, инсоннинг хоҳиши икки йўлдан бирини танлашда намоён бўлади. Куръони каримнинг кўпчилик оятларида инсоннинг ихтиёри ўзида бўлиб, у қилган ишлари учун жавобгар эканлиги баён этилган. Агар инсон яшаётган жамиятда ёмонлик тарқаса, майшатида турли камчиликлар пайдо бўлса, буларнинг барчасига унинг ўзи сабабчидир.

Фуссилат сурасида Аллоҳ таоло айтади:

بِظَلَمٍ رَبُّكَ وَمَا فَعَلَيْهَا أَسَاءَ وَمَنْ فِي نَفْسِهِ<sup>ق</sup> صَلِحًا عَمِلَ مَنْ



**«Ким солиҳ амал қилса, ўзига фойда. Ким ёмонлик қилса, ўзига зарар. Роббинг бандаларга зулм қилувчи эмас» (46-оят).**

Қуръони каримда жамият ишини яхшилаш учун, ҳаётни фаровон, турмушни чароғон қилиш учун ҳар ким ўзи ҳаракат қилиши зарурлиги таъкидлаб ўтилган. Аллоҳ таоло Раъд сурасида шундай марҳамат қилади:

بِأَنفُسِهِمْ مَا يُغِيرُوا حَتَّىٰ بَقَوْمٍ مَا يُغِيرُ لَا إِلَهَ إِلَّا

**«Албатта, Аллоҳ бир қавмдаги нарсани, токи улар ўзларидаги нарсани ўзгартирмагунларича, ўзгартирмас» (11-оят).**

Қуръони каримда келтирилган мазкур иборалардан очиқ-ойдин кўриниб турибдики, инсоннинг иродаси ва қилган иши савобга ёки азобга сабаб бўлар экан. Бу Ислом душманларининг «Ислом ўзига эргашганларни тараққиётдан қолдиради ва уларнинг ҳаётларини бузади», деган тухматлари ғирт ёлғон эканлигини кўрсатади.

**“Иймон” китобидан**